

Appenzeller Witze

Objekttyp: **Group**

Zeitschrift: **Appenzeller Kalender**

Band (Jahr): **294 (2015)**

PDF erstellt am: **22.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Landi

QUALITÄT / PREIS / AUSWAHL

**...ganz in
Ihrer Nähe!**



Tagespreis
071 226 78 78

AGROLA 
the swiss energy

AGROLA St.Gallen
Ihr Heizöltelefon in der Region

agrolasg.ch

Wärme und Mobilität

Appenzeller Witze

GESAMMELT VON WALTER KOLLER

«Herr Pfarer, mis Wiib isch schuli chorzsichtig, i cha si nomme bruuche; i möcht mi vonere schäade loo!»

«Jä, goete Maa, Chorzsichtigkeit isch kän Schäädigrond!» – «Jä, wessid Ehr, Herr Pfarer, mi Wiib isch ase chorzsichtig, dass si mi ond en andere Maa nome cha vonenand kenne!»

*

Inere Wertschaft isch vom Erbe d Red gsee. Än het gmänt: «Jo, erbe chaa jedes Chalb!» – «Denn erb, du Chalb», isch d Antwort gsee!

*

En Bommpfleger isch ab de Läätere kiit ond muus-stäätot gsee. Wo me n en zo de Frau hää procht het, mänt si: «Ischt doch etzt no guet ggange, er hett si au no schulig chöne haue!»

*

En andere het si bim Mäije (mähen) bös in Fuess ine gschnette. Er het glachet ond gsäät: «I bi doch etzt froh, as i nüd di neue Schue aagha ha!»

*

Zo äm, wo all «Blaue» gmacht hed, isch gsääd woerde: «Jä, reut Eu denn di choschtlig Zit nüd?» – «Nä, s get vorzue wider anderi», isch d Antwort gsee.

*

«Isches woehr, Büebli, ass bi eu obe Esel get mit Hör-

ner?» – «Jodefriili, Herr, züchet gad emol de Huet ab!»

*

E Moetter het zo erem Määtli gsääd, wo gär nüd gfolged hed: «Wie bischt du doch en oogfölgige Fratz. I wett gad lieber sterbe, du folgischt mer jo doch nüd!» Das Määtli sääd droff: «Denn sterb, Moetter, wenn d chascht!»

*

Än, wo e chli Öl am Hoet gchaa hed, probiert all ver-gebe, de Schoope aazlegge. Im Selbstgsprööch sääd er: «Etzt wil i doch denn luege, wer do befehlt! Ha n i dii kaufst oder du mii?»

*

Än hed en Fööfliber i sin baare Hosesack gsteckt. De ander het en gfrooged: «Verlürsch en au sicher nüd?» – «Nää, s hed mer au emol trommt, i hei zwoo Millione, ond i ha au kän Rappe devoo verlore!»

*

De Giigelihannes het am Wiib of em Todbett no ees gspillt ond dezue gsäät: «Lueg, Amerei, mit Giige sömmer zemechoo, ond mit Giige wemmer wider vonenand!»

*

Z Troge osse hed en Boeb ganz schlehti Note i sim Zügnis hääproocht. De Va-ter hed gmänt: «Lueg Boeb, i chas äfach kum verbotze,

as du eso tomm bischt ond
debei sömmer eso nooch a
de Kantonsschuel zue de-
hääm!»



Zonnere Frau säät de Tok-
ter: «So Lisebethli, wo
fählts?» – «Wenn i seb
wesst, wär i sicher nüd zo
Eu cho», geed em d Jump-
fere zor Antwort.



«Kennid Ehr de Chrömer
Bodemaa?» – «Joho, mee as
ebe! Ehr määnid doch deä
mit em Affegsicht? Was
ischt mit em?» – «Jä, i ha
gad wele säge, Ehr gliichid
em uuf ond baar!»



Ime Verein ischt gege de
Alkohol gschwätzti worde,
ime Vortrag ond mit me
Film. En het gmänt: «Ischt
suuber i de Ornig; för was
bruuchet mer Alkohol?
Ischt bis jetzt au mit Wii ond
Bier und Schnaps ggange!»



Im Hönder- ond Mittelland
ond z Innerrhode säät me
am Iigang zom Chuestall
«Vorbrogg». – Im Vorder-
land aber hässt s Gängli
vor de Schloofhammer
esoo. An hed gmänt: «Z
Innerrhode, im Mittel- und
Hönderland gönd s über d
Vorbrogg zo de Chüe ond
im Vorderland zo de Wii-
ber!»



Zwee Puure hond wegs ehr-
ne Chüe pralled. «Wäschte,
Jok, i ha di gschiidischt
Chue im Land, si cha s Cho-
chichäschtl moetterseele-

elää uuftue.» – «Josoo, gad
ase! So e gschiidi Chue ha n
i defrili nüd!», säät de an-
der. «So, diini nüd? Denn
hescht aber letz ghüroote!»,
ischt d Antwot gsee.



«Du, Baartli, i wöösche all
Tag, as i zo nütz chömm! I
ha etzt ebe mönder as nütz!»



En iiversöchtige Maa ischt
gfrooged woode, wies sine-
re schöne Frau gäng. «I
wett, si wär im Zochthuus,
denn chönt meschi niemed
me neh», get er zor Antwort!



«I ond mi Wiib sönd si äas:
Sii will Herr see im Huus
ond ii grad au! Josoo!»



«Vo wa lebscht au, Ueli?»
– «Gad vo de Erdepfel,
Chuered. S chonnt si gad
droffaa, wie me d Sach
aagschiered! I gebe d Erd-
epfel ebe zeerscht de Sau
zfresse ond nochane fress i
denn d Sau!»



Is Pfarers Garte hets en
wonderbar schöne Chriesi-
bomm gchaa. D Dorfbuebe
hend demm eppenemol e
Bsüechli abgstattet. Emol
het de Pfarer grad enn ver-
wütscht. Er het em e föche-
lixi Standpredig gchaa ond
zletscht gsäät: «Chöscht,
Seppli, was gets also, wem-
mer Chriesi stehlt?» – «S
Abfüere, Herr Pfarer!»



En Gascht het zommene
Weert, wo gliichzitig Beck

gsee ischt, gsäät: «Hescht
doch efange chlinni Püür-
li!» De Weert säät: «Denn
fress gad zwää!»



Enn ischt schuulig i de
Scholde inne gsee. Er het
aber en Brüeder gchaa, wo
Pfarer gsee ischt. Drom het
er amel gsäät: «I ond min
Brüeder hends nooch
gliich. I ha mit de Gläubiger
z kämpfe ond er mit de
Oogläubige!»



Ime Dorf hönd s wele de
Cheerchetorm hööcher ma-
che. Än het dezue gmänt:
«Me woor gschiider d Büdel
(Schnapsflaschen) omm en
Schue hööcher make ond
de Cheerchetorm hocke
loo!»

S Marili säät zo de Muetter:
«Du, los! A de Wiehnecht
ischt de Vater de Chlaus ond
s Christchendli gsee ond a
de Oschtere de Oschterehas,
etzt glob i denn bald, er sei
de Stooch gad au sölber!»



«Hescht au scho vo dem
neue Hüeneraugebalsam
ghöört, Hanes?» – «Ä de
Tüüfel, liberement nütz.
Etzt machid s bigopp efan-
ge os Hüenerauge no Bal-
sam!»



«Wele Mensch ischt zfred-
ner: de Millionär oder en
Vater, wo e Totzed Goofe
hed?» – «Der wo e Totzed
Goofe hed, deseb hed
gnueg, aber de Millionär
wett all no meh!»



Zukunft Alter
gemeinsam angehen

**PRO
SENECTURE**
APPENZELL
AUSSERRHODEN